



Coimisiún
na Meán

Fuaim & Fís 4 Babhta 53 Treoir d'Iarratasóirí Teilifíse

Dáta Foilsithe:
9 Aibreán 2024

Spriocdháta:
30 Bealtaine 2024 12 meánlae



Clár

1.	Réamhrá	3
2.	Nósanna imeachta chun iarratas a dhéanamh	5
3.	Nósanna Imeachta Measúnaithe	8
3.1	Céim an Réamhmheastóireachta	8
3.1.1	Cé atá in ann iarratas a dhéanamh ar mhaoiniú?	8
3.1.2	Cad is féidir leis an Scéim a mhaoiniú?	8
3.1.3	Cad iad téamaí cláir agus riachtanais teanga na Scéime?	9
3.1.4	Cad iad formáid chlár agus riachtanais seánra na Scéime?	9
3.1.5	Cad é an rud é an Ceanglas chun Craoladh a dhéanamh?	10
3.1.6	Seirbhísí Rochtana	12
3.1.7	An craoltóireacht an t-aon bhealach chun ábhar maoinithe ag an Scéim a dháileadh?	12
3.1.8	Rialacha Cúnamh Stáit agus Ceanglais Chaiteachais Réigiúnacha	14
3.1.9	Cén uair is gá dom réasúnaíocht a sholáthar le haghaidh deacair a dhéanamh/buiséad íseal?	14
3.1.10	Cad is costais incháilithe ann?	15
3.1.11	Tús a chur leis an Léiriúcháin	16
3.2	Céim an Mheasúnaithe Cháilíochtúil	16
3.3	Céim an Mheasúnaithe Straitéisigh	17
3.4	Daingniú	17
3.5	Próiseas Cinnteoireachta	17
3.6	Cinntí Maoinithe	18
3.7	Conraitheoireacht	19
3.8	Séanadh	19
4.	Foirm Iarratais	20
4.1	Sonraíocht an Chláir	21
4.2	Buiséad	21
4.3	Buiséad Mionsonraithe agus Nótaí Buiséid	23
4.4	Plean Airgeadais	24
4.5	Litir Tiomantais ó Chraoltóir	24
4.6	Litir (Litreacha) Tiomantais ó Mhaoinitheoirí Eile	25
4.7	Beathaisnéisí agus Litreacha Tiomantais ó Phríomhphearsanra	26
4.8	Daoine Cruithaitheacha Lárnacha / Rannpháirtithe Lárnacha	26
4.9	Oird Reatha Táscacha	26
4.10	Scripteanna	26
4.11	Saothar Ealaíne Beochana agus Taispeántais	26
4.12	Prionsabal Pictiúrlann ar dTús	27
4.13	Prionsabal Digiteach ar dTús	27
	Aguisín 1 – Maitrís Scórála Réamhmheastóireachta	28
	Aguisín 2 – Maitrís Scórála Cáilíochtúil	29
	Aguisín 3 – Maitrís Scórála Straitéiseach	31



1. Réamhrá

Is é Coimisiún na Meán coimisiún nua na hÉireann chun craoltóirí agus na meáin ar líne a rialáil, agus chun tacú le forbairt na meán. Aistríodh foireann agus freagrachtaí Údarás Craolacháin na hÉireann chuig Coimisiún na Meán lena n-áirítear oibriú na Scéime Maoinithe Craolacháin Fuaim & Fís.

Maoinítear Scéim Sound & Vision 4 go príomha ón gCiste Craolacháin, comhdhéanta de 7% de na glanfháltais bhliantúla ó tháillí ceadúnais teilifíse. Beidh buiséad oibriúcháin sealadach de €7.4m ag Babhta 53 den Scéim. Is maoiniú stáchtiste é €2m den mhaoiniú seo atá urraithe ag an Aire Turasoireachta, Cultúir, Ealaíon, Gaeltachta, Spóirt agus Meán, Catherine Martin TD Uasal. Maoineoidh sé tionscadail a thacaíonn le hábhar atá dírithe ar leanaí agus daoine óga nó a chomhchruthóidh siad. **Ní mór gach iarratas a chur isteach trí www.cnamonline.ie roimh mheán lae, Déardaoin, 30 Bealtaine 2024.**

Ba cheart do gach iarratasóir ar chlár Teilifíse an Treoir seo d'iarratasóirí ("Treoir") a léamh roimh fhoirm iarratais oifigiúil a chomhlánú agus í a chur isteach ar www.cnamonline.ie. Is féidir an fhoirm iarratais oifigiúil Teilifíse a íoslódáil anseo. Tá iarratasóirí freagrach as a chinntiú go bhfuil an leagan reatha den Treoir agus an fhoirm iarratais á úsáid acu.

Is é cuspóir an doiciméid seo ("an Treoir") ná treoir a sholáthar d'iarratasóirí agus d'iarratasóirí ionchasacha Fuaim & Fís 4 ("an Scéim") faoi cé atá in ann cur isteach ar mhaoiniú, cad is féidir a mhaoiniú faoin Scéim, agus conas iarratas a chruthú agus a chur isteach chun maoiniú a fháil. Tá faisnéis ann freisin faoin bpróiseas measúnaithe, faoi fhógra a thabhairt maidir le cinntí maoinithe agus faoi na chéad chéimeanna eile i gcás iarratasóirí rathúla.

Is iad cuspóirí *Fuaim & Fís 4* ("an Scéim")¹ ná:

- Clár d'ardchaighdeán a fhorbairt a bheidh bunaithe ar chultúr, oidhreacht agus taithí na hÉireann,
- Na clár sin a fhorbairt as Gaeilge,
- Cur leis an bhfáil atá ag lucht féachana agus éisteachta sa Stát ar na clár dá dtagraítear thuas,
- Éagsúlacht chultúr agus oidhreacht na hÉireann a léiriú,
- Taifeadadh a dhéanamh ar oidhreacht bhéil na hÉireann agus ar ghnéithe d'oidhreacht na hÉireann atá ag dul i léig, atá i mbaol nó nach ndearnadh taifeadadh orthu roimhe seo, agus
- Craolachán áitiúil agus pobail a fhorbairt.

Chun na cuspóirí sin a bhaint amach, cuireann an Scéim maoiniú deontais ar fáil do chlár nua teilifíse agus raidió ina bpléitear leis na téamaí seo a leanas:

- Cultúr, oidhreacht agus taithí na hÉireann;
- Litearthacht aosach nó litearthacht ó thaobh na meán a fheabhsú²;

¹ Le haghaidh tuilleadh eolais ar chuspóirí, scóip agus maoiniú na Scéime Fuaim & Fís 4, léigh Doiciméad na Scéime. anseo le do thoil.

² Má tá Litearthacht Aosach á roghnú mar Sheánra nó mar Théama, féach le do thoil don sainmhíniú ar Litearthacht Aosach sa doiciméad Scéim Fuaim & Fís 4 anseo chun a chinntiú go bhfuil do thionscadal ag teacht leis an sainmhíniú. Má tá Litearthacht na Meán á roghnú

- Feasacht agus tuiscint an phobail a chothú faoi shaincheisteanna domhanda a imríonn tionchar ar an Stát agus ar thíortha seachas an Stát; agus/nó aon cheann de na téamaí thuas as Gaeilge.

mar Sheánra nó mar Théama, féach le do thoil don Bheartas um Litearthacht sna Meáin anseo chun a chinntiú go bhfuil an tionscadal ar aon dul leis an mbeartas.

2. Nósanna imeachta chun iarratas a dhéanamh

2.1 Iarratas a chur isteach: Ní mór gach iarratas a chur isteach trí láithreán gréasáin iarratais ar líne www.cnamonline.ie. Ní mór iarratais atá comhlánaithe go hiomlán a chur isteach ar www.cnamonline.ie faoin 12 meán lae ar an spriocdháta le haghaidh gach babhta maoinithe, mura luaitear a mhalairt. Tá na sprioc-amanna agus na spriocdhátaí foilsithe [anseo](http://www.cnamonline.ie). Ní fhéadfar iarratais a chur isteach ach amháin nuair a bheidh Babhta maoinithe ar oscailt. Beidh gach Babhta maoinithe ar oscailt ar feadh ceithre seachtaine ar a laghad roimh an spriocdháta foilsithe. Déanfar iarratais neamhiomlána a dhícháiliú. Cinneadh críochnaitheach a bheidh i gcinneadh An Choimisiúin maidir leis sin.

2.2 Clárú: Ní mór d'aon duine ar mian leo iarratas a dhéanamh ar an Scéim a bheith cláraithe mar iarratasóir ar www.cnamonline.ie. **Ní mór d'iarratasóirí ionchasacha clárú a iarraidh tráth nach déanaí ná 2 lá oibre sula gcuirtear deireadh le babhta maoinithe.**

Chomh maith leis sin ní mór don eintiteas a rachadh i mbun conraitheoirachta le Coimisiún na Meán sa chás go tairiscítear maoiniú a bheith cláraithe mar **Chonraitheoir** ar www.cnamonline.ie **Ní mór do Chonraitheoirí ionchasacha clárú a iarraidh tráth nach déanaí ná 2 lá oibre sula gcuirtear deireadh le babhta maoinithe.**

Téigh go dtí www.cnamonline.ie lena dheimhniú conas clárú. Déan tagairt do Cheisteanna Coitianta CnaMOnline ar www.cnamonline.ie mura bhfuil tú cinnte faoi conas iarratas a sheoladh ar aghaidh nó dean teagmháil leis an gCoimisiún ag info@cnam.ie.

2.3 Seicliosta d'iarratais: Ba cheart d'iarratasóirí bheith ábalta freagra dearfach a thabhairt ar na 12 cheisteanna a leanas le bheith incháilithe d'iarratas a dhéanamh i gcomhair maoinithe:

1	Tá mé cláraithe le www.cnamonline.ie	Tá/Níl
2	Tá seiceáilte agam go bhfuil an Conraitheoir le haghaidh mo chlárú cláraithe freisin le www.cnamonline.ie agus tá an t-eintiteas sin curtha isteach mar an "Conraitheoir" agam ar m'iarratas www.cnamonline.ie	Tá/Níl
3	Tá an Scéim S&V4 agus an Treoir S&V4 reatha (Babhta 53) d'iarratasóirí teilifíse léite agam agus tuigim iad.	Tá/Níl
4	Déanfaidh mé teimpléad na foirme iarratais a chomhlánú agus é a shábháil mar aon PDF amháin (níos lú ná 8MB) sula n-uaslódáil mé an doiciméad seo ar www.cnamonline.ie . Tá dearbhuithe uile tríú páirtithe ináirithe laistigh den iarratas agus tá an t-eolas ar fad san iarratas so-léite. Déantar aon ábhar a mheastar a bheith faoi rún a shábháil in aguisín mar PDF amháin agus tá an réasúnaíocht chun rúndacht a lorg leagtha amach go soiléir agus á uaslódáil chuig www.cnamonline.ie . Tuigim ar cheart gurb é an t-aon ábhar a chuirtear isteach mar PDF ar leithligh leis an iarratas PDF ná cáipéisíocht atá faoi rún.	Tá/Níl
5	Táim chun a sheiceáil nach bhfuil víris ríomhaire sa doiciméad seo sula ndéanfar é a uaslódáil chuig www.cnamonline.ie	Tá/Níl
6	Tá na réimsí éigeantacha ar fad ar an gcuid den fhoirm iarratais atá ar líne comhlánaithe agam ar www.cnamonline.ie	Tá/Níl
7	Tá an togra atá beartaithe agam réidh lena léiriú	Tá/Níl
8	Níl tús curtha go fóill le léiriú an togra atá beartaithe agam	Tá/Níl
9	Tá an togra atá beartaithe agam nua	Tá/Níl
10	Táim cinnte nach clár nuachta agus cúrsaí reatha é an togra atá beartaithe agam	Tá/Níl
11	Ní théann m'iarratas ar mhaoiniú ó Choimisiún na Meán thar €500k.	Tá/Níl
12	Tá an chuid is mó den Mhaoiniú eile a theastaíonn chun an tionscadal seo a léiriú léirithe mar mhaoiniú urraithe i m'iarratas agam de réir alt 4.6 den Treoir seo	Tá/Níl
13	Tá litir ghealltanais curtha ar fáil le déanaí ag craoltóirí incháilithe leis an togra seo	Tá/Níl



14	Tá gá le haon sonraí pearsanta atá san iarratas seo	Tá/Nil
Ba cheart “Tá” a bheith le gach ceann de na ceisteanna thuas. <i>Nuair atá tú sásta go bhfuil 1-12 comhlánaithe agat, tá tú réidh chun an t-iarratas a chur isteach trí www.cnamonline.ie</i>		

2.4 Deimhniú Faisnéise: Ní mór go mbeidh aon fhaisnéis a luaitear mar chuid den iarratas bheith cruinn agus fíor.

2.5 Spriocdháta: Ní mór gach iarratas agus aon cheangaltáin ábharta a chur isteach trí www.cnamonline.ie, faoi **12 meánlae Déardaoin, 30 Bealtaine 2024**.

2.6 Faisnéis Rúnda: Ba cheart aon fhaisnéis a mheasfaidh iarratasóir a bheith faoi rún a uaslódáil mar cheangaltán ar leithligh leis an iarratas sa chuid dar teideal Ábhar faoi Rún ar thaifead iarratais www.cnamonline.ie. Déanfaidh An Coimisiún cinnte de go láimhseáiltear an fhaisnéis seo ar bhealach iomchuí le linn agus i ndiaidh an phróisis iarratais.

2.7 Saoráil Faisnéise: Déanfar gach uile iarracht faisnéis a fhaightear mar fhreagra ar an bpróiseas seo a choinneáil faoi rún, i gcomhréir le ceanglais dlí An Coimisiún lena n-áirítear an tAcht um Shaoráil Faisnéise, 2014. Iarrtar ar iarratasóirí agus ar chonraitheoirí a machnamh a dhéanamh faoinar cheart d’aon fhaisnéis a sholáthraítear chuig An Coimisiún bheith **nochtaithe ar chor ar bith** de bhrí ar a bhfuil ráite san fhaisnéis. Chomh maith leis sin, iarrtar orthu a lua cén fhaisnéis atá i gceist, más ann di, agus na cúiseanna a bhaineann leis an ngá rúndachta. Rachaidh An Coimisiún i mbun comhairle le hiarratasóirí i dtaca le haon fhaisnéis rúnda, phearsanta nó tráchtála a d’fhéadfadh bheith íogair sula ndéanfar aon chinneadh faoi fhaisnéis a scaoileadh faoi théarmaí an Achta um Shaoráil Faisnéise. Scaoilfí faisnéis dá leithéid mar fhreagra ar iarratas faoin Acht um Shaoráil Faisnéise.

2.8 Cosaint Sonraí: D’fhonn an tionscnamh maoinithe seo a rith ar bhealach éifeachtach, iarrfaimid sonraí a bhaineann leis an t-iarratasóir agus sonraí beachta i dtaca leis an tionscnamh molta. Cuimsítear anseo, sonraí agus cáipéisíocht ina luaitear sonraí pearsanta amhail teidil phoist, tuarastail agus seoltaí rphoist.

Comhlíonfaidh An Coimisiún a ndualgais faoin Rialachán Ginearálta maidir le Cosaint Sonraí, an *Data Protection Act*, 2018 agus faoi aon dlíthe nó rialacháin príobháideachais iomchuí a bhaineann le sonraí agus é ag láimhseáil nó ag próiseáil aon fhaisnéis phearsanta a fhaightear le linn an phróisis maoinithe seo.

Úsáidfeadh an fhaisnéis a chuirtear le hiarratais, le n-áirítear faisnéis phearsanta chun an t-iarratas a chur ar aghaidh agus chun dul i dtéagmháil leis an iarratasóir.

Ní choinneofar na sonraí pearsanta a chuirtear leis na hiarratais ach amháin sa chás go n-éiríonn leis an iarratas. Bheadh na sonraí seo de dhíth d’fhonn an conradh maoinithe a eisiúint agus d’aon mheasúnú a dhéanfaí ar fheidhmíocht maidir leis an deontas agus aon torthaí gaolmhara. D’fhéadfaí na sonraí a úsáid ar mhaithe le hachomhairc a dhéanamh ar an tionscnamh maoinithe féin agus d’fhéadfaí na sonraí bheith úsáidte ag taighdeoirí seachtracha. Scriosfaí aon sonraí pearsanta ar fhoirmeacha srl. sna cásanna sin.



Tá Coimisiún na Meán tiomanta do chosaint a dhéanamh ar na sonraí pearsanta go léir a sholáthraítear mar fhreagra ar an ngloch iarratais i leith an bheartais mhaoinithe seo. Tá Oifigeach do Chosaint Sonraí ceaptha ag an gCoimisiún cheana agus tá an t-oifigeach seo cláraithe leis an gCoimisiún um Chosaint Sonraí.

Tá tuilleadh eolais maidir leis an gcaoi a dhéantar próiseáil ar shonraí pearsanta ar fáil : [anseo](#) agus tá téarmaí agus coinníollacha ar fáil [anseo](#).

2.9 Coinbhleachtaí Leasa: Ní mór don Choimisiún an tAcht um Eitic in Oifigí Poiblí (1995) agus an tAcht um Chaighdeán in Oifigí Poiblí (2001) a chomhlíonadh. I dtaca leis sin, más rud é gur iarratasóir thú, agus má fhaigheann tú amach faoi chúinsí a d'fhéadfadh coinbhleacht leasa a chruthú maidir le d'iarratas, ní mór duit An Coimisiún a chur ar an eolas go pras faoi na cúinsí sin.

2.10 Maoiniú Cúnaimh Stáit Má thairgtear maoiniú níos mó ná €100,000 do Chonraitheoir ní mór don Choimisiún sonraí na dtairiscintí sin a chur isteach laistigh de shé mhí lena bhfoilsíú ar Mhodúl um Chúnaimh Trédhearcachta (TAM) an AE. Tá sé seo chun cloí le Rialachán (AE) Uimh. 2023/1315 ón gCoimisiún an 23 Meitheamh 2023, lena leasaítear Rialachán Ginearálta Blocdhíolúine Uimh. 651/2014.

2.11 An tAcht um Thús Áite do Leanaí Mar chomhlacht poiblí, tá oibleagáidí ar an gCoimisiún faoin Acht um Thús Áite do Leanaí (2015). Sa chás go bhfuil an Coimisiún ag maoiniú tionscadal nó gníomhaíochta a bhaineann le leanaí nó le daoine fásta leochaileacha, tá dualgas ar an gCoimisiún agus ar an gconraitheoir forálacha an Achta a chomhlíonadh. Má bhaineann ceann amháin nó níos mó de na gníomhaíochtaí atá beartaithe agat le leanaí nó le daoine fásta leochaileacha, ba chóir é seo a chur in iúl ar an bhfoirm iarratais. Tabhair faoi deara, le do thoil, mar choinníoll maoinithe go n-iarrfar ort cóip de do Bheartas um Chaomhnú Leanaí/Bheartas um Chosaint Aosach Soghonta a sholáthar agus dearbhú a thabhairt go bhfuil do thionscadal ag feidhmiú de réir an Achta um Thús Áite do Leanaí. Is féidir doiciméad Treorach Náisiúnta maidir le Tús Áite do Leanaí a fháil [anseo](#).



3. Nósanna Imeachta Measúnaithe

Tá cúpla céim ann sa phróiseas. Beidh measúnú a dhéanamh ar iarratas in aghaidh critéir a aontaíodh cheana féin ag gach uile chéim den phróiseas. Tá na critéir sin ag teacht le reachtaíocht agus le beartais An Choimisiúin. Seo a leanas na céimeanna sa phróiseas:

- Céim réamh-mheastóireachta
- Céim an mheasúnaithe cháilíochtúla
- Céim an mheasúnaithe straitéisigh
- Daingniú

Ionas go mbeidh an próiseas soiléir d'iarratasóirí, seo a leanas briseadh síos beacht ar gach uile chéim den phróiseas iarratais.

3.1 Céim an Réamhmheastóireachta

Ní mór d'iarratasóirí roinnt critéir a shásamh sula ndéanfar measúnú orthu i leith maoinithe. Ní mór dóibh bheith incháilithe le hiarratas a dhéanamh agus ní mór iarratas a dhéanamh do thionscnaimh a cheadaítear faoin Scéim agus ní mór maoiniú a iarraidh laistigh de na teorainneacha ceadaithe. Leagtar amach an Creatlach Scórála Cáilithe don chéim seo in Aguisín 1. Mura shásaítear na bunchritéir seo go léir, ní dhéanfar an t-iarratas a mheas tuilleadh. Cinneadh críochnaitheach a bheidh i gcinneadh An Choimisiúin maidir leis sin.

3.1.1 Cé atá in ann iarratas a dhéanamh ar mhaoiniú?

Ní foláir ná gur Éireannaigh amháin nó saoránaigh nó cónaitheoirí de chuid an AE iad na daoine aonair. Ní foláir d'aonáin dlí a bheith ionchorpraithe in Éirinn nó san AE.

3.1.2 Cad is féidir leis an Scéim a mhaoiniú?

Tá maoiniú ar fáil i gcomhair costais tháirgthe ábhar fuaimhe nó chlosamhairc nua d'fhormáidí cláir, do sheánraí agus do théamaí áirithe a chraolfaidh craoltóir incháilithe le linn an sceidil buaic-ama de ghnáth.

Ní ghlacfaidh an Scéim ach le hiarratais ar chláir atá réidh le léiriú. Ní ghlacann an scéim le hiarratais ar chláir atá i mbun léirithe cheana féin nó le hiarratais ar chláir ar féidir le lucht féachana catagóiríú a dhéanamh orthu mar chláir nuachta nó cúrsaí reatha.



Cláir Nua: Ní mór gach clár a mhaoinítear a bheith úrnua agus gan tús a bheith curtha leis an léiriúcháin roimh cur isteach ar an scéim. Bheadh An Coimisiún sásta iarratais a bhreithniú maidir le dara clár nó sraith clár. Sa chás seo, ní mór don iarratasóir an méid seo a chur síos san fhoirm iarratais (ar líne agus sa leagan MS Word/pdf den fhoirm iarratais):

- Ná cúiseanna gur togra ‘nua’ an togra atá beartaithe a leagan amach; agus
- A thaispeáint go bhfuil an clár bunaidh nó an tsraith bhunaidh agus/nó aon chlár nó sraith ina dhiaidh sin críochnaithe den chuid is mó nuair a chuirtear an t-iarratas isteach. Más rud é go mbronnar maoiniú i bprionsabal ar dhara clár/sraith, caithfear an clár/an tsraith atá ar conradh cheana féin a chur i gcrích agus a sheachadadh chun sástacht An Choimisiúin sula dtabharfar conradh le haghaidh an dara clár/sraith i gcrích. Tabhair faoi deara go bhfuil feidhm leis an spriocdháta caighdeánach 12 mhí chun idirbheartaíocht chonartha maidir le dara clár/sraith a thabhairt i gcrích.

3.1.3 Cad iad téamaí cláir agus riachtanais teanga na Scéime?

Ní mór déileáil sna cláir le ceann amháin ar a laghad de na téamaí atá leagtha amach thíos agus cuireann An Coimisiún fáilte roimh léirmhínte leathana, cruthaitheacha ar na téamaí sin.

- Oidhreacht, cultúr agus taithí na hÉireann, ina bhféadfar na téamaí seo a leanas a áireamh ach gan a bheith teoranta dóibh: an stair; foirgnimh stairiúla; an timpeallacht nádúrtha; an daonoidhreacht, oidhreacht na tuaithe agus an oidhreacht dhúchasach; na healaíona traidisiúnta agus comhaimseartha; an Ghaeilge, agus taithí na hÉireann i gcomhthéacsanna Eorpacha agus idirnáisiúnta;
- Litearthacht aosach nó litearthacht ó thaobh na meán a fheabhsú;
- Feasacht agus tuiscint an phobail a chothú faoi shaincheisteanna domhanda a imríonn tionchar ar an Stát agus ar thíortha seachas an Stát;
- Aon cheann de na cláir thuasluaite a fhorbairt as Gaeilge;

Tá dearcadh leathan ag an gCoimisiún ar chultúr, oidhreacht agus taithí na hÉireann a chuimsíonn na léirithe comhaimseartha ar fad ar na téamaí sin. Féadfaidh na cláir a bheith i nGaeilge, i mBéarla, dátheangach (Gaeilge agus Béarla) nó ilteangach (i.e. Gaeilge móide dhá theanga nó níos mó)³. Ní mór 30% ar a laghad den ábhar a bheith i nGaeilge i gcláir dhátheangacha agus ilteangacha.

3.1.4 Cad iad formáid chláir agus riachtanais seánra na Scéime?

Glactar le réimse seánraí agus formáidí teilifíse faoi mar atá leagtha amach sa tábla thíos. Is é an t-aon chineál cláir nach n-áirítear ná cláir a dhéantar don nuacht agus do chúrsaí reatha nó ar féidir catagóiriú a dhéanamh orthu mar chláir nuachta nó cúrsaí reatha mar gheall ar an ábhar nó an bealach ar caitheadh leis an ábhar.

Formáidí Inghlactha:	Cláir Faisnéise; Oideachas; Drámaíocht, Beochan agus Siamsaíocht
Seánraí Inghlactha:	Cláir do Leanaí; Na hEalaíona/An Cultúr; an tSochaí Chomhaimseartha; An Stair/An Oidhreacht; An Eolaíocht/An Dúlra/An

³ Is féidir cláir i mBéarla agus i dteanga(cha) eile seachas an Ghaeilge a chatagóiriú mar chláir ‘Bhéarla’.



	Timpeallacht; agus, Litearthacht Aosach/Litearthacht ó thaobh na Meán
Seánraí Eisiata	Nuacht agus Cúrsaí Reatha

Ní mór d'iarratasóirí a gclár/cláir bheartaithe a chatagóiriú in aon seánra agus formáid amháin bunaithe ar an mairís thuas agus a n-iarratas ar líne á dhéanamh acu. Cé go bhféadfadh gnéithe de níos mó ná formáid nó seánra amháin a bheith i gcuid de na cláir ar nós docu-drama, ba cheart d'iarratasóirí an ceann is oiriúnaí a roghnú i gcomhthéacs an chláir iomláin. Is ar an iarratasóir atá an fhreagracht an fhormáid agus an seánra is oiriúnaí a roghnú. Is féidir cláir ghrinn scrípte a chur isteach faoin bhformáid Drámaíochta. Maidir le cláir Formáidithe Oideachais, agus tionscadail sa seánra nó téama Litearthacht sna Meán nó litearthacht Aosach tabhair faoi deara le do thoil:

- Ní mór do thionscadail oideachais na torthaí foghlama don lucht féachana a bhfuil siad ag súil le bhaint amach agus aon ghné oideachasúil den chlár a léiriú.
- Caithfidh tionscadail Litearthachta d'Aosaigh a bheith ag teacht leis an sainmhíniú ar litearthacht aosach i gcaipéis Scéim Sound & Vision 4.
- Ní mór do thionscadail Litearthachta na Meán ailíniú leis an mBeartas um Litearthacht sna Meán atá ar fáil [anseo](#)

Coimeádann An Coimisiún an ceart iarratais a athrangú le linn an phróisis measúnaithe más é a thuairim, agus bunaithe ar dhoiciméadú an iarratais, go bhfuil an togra níos oiriúnaí do chatagóir eile ó thabh formáid, seánra nó téama de. Is cinneadh críochnaitheach é cinneadh An Choimisiúin maidir leis seo.

3.1.5 Cad é an rud é an Ceanglas chun Craoladh a dhéanamh?

Ní mhaoinoidh an Coimisiún ach léiriú na gclár a chraolfaidh craoltóir incháilithe. Ag céim an iarratais, éilíonn An Coimisiún ar iarratasóirí litir ghealltanais a sholáthar ó chraoltóir a dheimhníonn comhaontú an clár a chraoladh ar aon dul le riachtanais an Choimisiúin. Ba chóir go ndearbhódh litir an chraoltóra freisin an tseirbhís/na seirbhísí rochtana a chraolfaidh sé leis an gclár.

Tá na critéir incháilitheachta do chraoltóir leagtha amach thíos.

Ní mór cláir teilifíse a chraoladh ar sheirbhís teilifíse in aisce a sholáthraíonn clúdach beagnach uilíoch don Stát⁴; nó ar sholáthraí líonra cuí, mar atá sainmhínithe in Alt 77(1)⁵ den Acht Craolacháin 2009; nó córas MMD mar chuid de chonradh soláthair ábhair phobail faoi Alt 72 den Acht Craolacháin 2009.

⁴ Sainmhínítear seirbhís teilifíse in aisce san Acht mar “seirbhís craolacháin teilifíse nach ngearrann an duine a sholáthraíonn an tseirbhís aon táille as a glacadh, agus a bhfuil fáiltiú uirthi ar fáil do 90 faoin gcéad ar a laghad de dhaonra an Stáit. ”

⁵ ciallaíonn “Líonra Cuí” líonra cumarsáide leictreonaí arna sholáthar ag duine (“soláthraí cuí líonra”) a úsáidtear chun seirbhísí craolacháin a dháileadh nó a tharchur chuig an bpobal.



Aithníonn an Coimisiún go bhfuil tearcionadaíocht i gcónaí ar roinnt formáidí sa Scéim, chun iarratais sna réimsí seo a éascú, glacfaidh an Coimisiún le hiarratais gan litir ghealltanais ó chraoltóir faoi na coinníollacha seo a leanas amháin:

- (i) ní mór Beochan nó Drámaíocht a bheith i bhFormáid an chláir; agus
- (ii) ní fhéadfaidh an deontas a iarrtar a bheith níos mó ná 50 % den bhuiséad incháilithe iomlán.

Tabhair faoi deara le do thoil **go mbeidh** an litir ón gcráoltóir ag teastáil ag an gcéim glactha leis an tairiscint (i.e., laistigh de 3 mhí ó dháta na tairisceana maoinithe). Tabhair faoi deara freisin go n-éilíonn An Coimisiún ar iarratasóirí a chur in iúl ina n-iarratas scríofa cén cráoltóir a roghnóidh siad chun an clár a chraoladh. Ba cheart sonraí faoi aon phlé a tharla leis an gcráoltóir sular cuireadh an t-iarratas isteach a sholáthar freisin laistigh den chóip PDF den doiciméad iarratais. Agus an cainéal ar an réimse taifid feidhmchláir www.cnamonline.ie á roghnú aige, ba chóir don iarratasóir “Le Deimhniú Dráma/Beochan” a roghnú ón liosta anuas Cainéal.

I gcásanna nach bhfuil aon litir ón gCráoltóir faoi iamh agus go bhfuil an cráoltóir liostaithe mar mhaoinitheoir, coimeádann An Coimisiún an ceart chun iarratais a dhiúltú ag an gcéim réamh-mheasúnaithe má mheasann sé go bhfuil an plean airgeadais neamhiomlán mura ndeimhnítear maoiniú an chraoltóra.

Craoladh Buaic-Ama: Ní mór don chraoltóir incháilithe atá bainteach leis an tionscadal gealltanais a thabhairt go gcráolfar na cláir bheartaithe ag buaic-amanna. Ní mór litir ghealltanais shínithe ón gcráoltóir chuige seo a bheith i ngach iarratas, mura bhfuil díolúine sonracha aige mar atá leagtha amach thuas.

Is iad na buaic-amanna féachana:

Cláir Teilifíse	6 r.n. – 11.30 r.n.
------------------------	---------------------

Tá roinnt clár saor ón gceanglas buaic-ama. Is iad sin:

Cláir do Pháistí	<ul style="list-style-type: none">• Tá siad sin saor ón gceanglas buaic-ama mura gcráoltar iad ar chainéal tiomnaithe do leanaí.• Sonróidh An Coimisiún buaic-am i leith cainéal den chineál sin ag tagairt d'ímhosca ar nós an cineál cainéil agus na cláir a dtacaítear leo.• Eisítear an tréimhse 00.00 – 07.00 sa díolúine ghinearálta seo.
Cláir oideachais (lena n-áirítear cláir a bhaineann le litearthacht aosach/litearthacht ó thaobh na meán ach gan a bheith teoranta do chláir den sórt sin)	<ul style="list-style-type: none">• Tá siad sin saor ón gceanglas buaic-ama.• Ní áirítear an tréimhse 00.00 – 07.00 sa díolúine ghinearálta seo.
Cláracha Gaeilge & fadfhoirme	<ul style="list-style-type: none">• Síneann an ceanglas buaic-ama maidir le cláir a chraoltar i nGaeilge (cibé acu cláir raidió nó cláir theilifíse), agus cláir foirme fada ar an teilifís, go dtí meán oíche.



3.1.6 Seirbhísí Rochtana

Chun tuiscint agus taitneamh a bhaint as cláir teilifíse ag daoine a bhfuil deacrachtaí amhairc agus/nó éisteachta acu a éascú, ní mór do gach clár teilifíse maoinithe soláthar a dhéanamh do sheirbhísí rochtana agus caithfidh craoltóirí tacaíochta a bheith tiomanta do chraoladh amhlaidh.

Tá fotheidealú éigeantach ar gach clár teilifíse maoinithe. Ba cheart go gcloífeadh fotheidil leis na Rialacha Rochtana agus ní mór dóibh a bheith ar fáil/inrochtana don lucht féachana gach uair a chraoltar an clár maoinithe sa Stát.

Chomh maith le fotheidealú, molann an Coimisiún go láidir go gcuirfí Teanga Chomharthaíochta na hÉireann (TÉ) agus Clostúairisc (AD) ar fáil ar gach ábhar teilifíse maoinithe. Tá ar a laghad ceann amháin de na seirbhísí seo éigeantach do gach clár drámaíochta agus teilifíse do leanaí.

Ní mór d'iarratasóirí a dheimhniú cé na seirbhísí rochtana a chuirfear ar fáil agus an t-iarratas á chur isteach acu.

Meastar costais a bhaineann le gach seirbhís rochtana a bheith mar chostais incháilithe agus ní mór iad a áireamh sa bhuiséad iarratais.

Déanfar solúbthacht maidir leis na bearta seo a mheas. Mar shampla, féadfar príomhchraoladh ag buaic-amanna a cheadú gan ISL ar an gcoinníoll go dtugann craoltóir gealltanais do chraoladh tánaisteach ISL eile, ag buaicuaireanta nó seachbhuaice. Is féidir tuilleadh sonraí ar fhotheidealú, ISL agus AD a fháil [anseo](#).

3.1.7 An craoltóireacht an t-aon bhealach chun ábhar maoinithe ag an Scéim a dháileadh?

Is féidir cláir chríochnaithe arna maoiniú faoi S&V4 a dháileadh trí mhodhanna pictiúrlainne nó ar líne (go hiomlán nó go páirteach) sula gcráoltar iad ar an teilifís, i.e., na prionsabail 'sa phictiúrlann ar dtús' nó 'digiteach ar dtús'. Ní cheadóidh An Coimisiún an chéad phictiúrlann nó an chéad eisiúint digiteach ach amháin sa chás go bhfuil 'Ceanglas Craolacháin' na Scéime comhlíonta ag an iarratas mar atá leagtha amach thuas.

Pictiúrlann ar dtús

Éilíonn an Scéim do phrionsabal 'an phictiúrlann ar dtús' nach mór na cláir chlosamhairc a chraoladh le linn buaic-sceideal ama an chraoltóra incháilithe laistigh de 12 mhí ón gcéad eisiúint pictiúrlainne. Más gnéscannán, gnéchlár faisnéise, dráma nó beochan é an clár closamhairc, áfach, tá cead ag An Coimisiún craoladh líneach buaic-ama a cheadú laistigh de 24 mí ó eisiúint an phictiúrlann tosaigh.

Digiteach ar dtús

Ar cheann de phríomhchuspóirí an phrionsabail 'tús dhigiteach' seo tá cláir a mhaoinítear faoin Scéim chun teagmháil a dhéanamh le lucht féachana níos leithne. Ní mór do gach iarratasóir a chuireann costas isteach le haghaidh 'digiteach ar dtús' a léiriú conas a chomhlíonfaidh siad an cuspóir seo. Spreagfadh an Coimisiún freisin iarratasóirí a bheartaíonn an prionsabal 'go digiteach ar dtús' a úsáid chun é sin a dhéanamh chun cruthaitheacht agus nuálaíocht a fheabhsú.



Ní mór óstáil ar aon ábhar a mhaoinítear faoin Scéim a dhéanamh le comhaontú an Chraoltóra incháilithe. Má dhéantar ábhar a óstáil ar ardáin seachas suíomh Gréasáin/imreoir an Chraoltóra beidh an larratasóir freagrach as aon chostais a bhaineann le cóipcheart a d'fhéadfadh a bheith infheidhme a chlúdach, ní féidir iad seo a ghearradh ar an tionscadal. Maidir leis seo, is ar an larratasóir agus ar an gCraoltóir a choimisiúnaigh an tionscadal atá freagrach as costais a bhaineann le cóipcheart. Ní cheadóidh an Coimisiún aon táillí cóipchirt ar cheart don eintiteas coimisiúnaithe a íoc cheana féin.

I bprionsabal, tá an ghné 'digiteach ar dtús' de thionscadal tánaisteach don chraoladh líneach. Is féidir ábhar a chuirtear ar fáil go digiteach ar dtús a atheagrú ach ní mór dó a bheith ag teacht go dlúth leis an gcraoladh líneach agus cloí le riachtanais S&V4.

Is é an riachtanas don eisiúint 'digiteach den chéad uair' go gcaithfear an clár/na cláir chlosamhairc a chur ar fáil go digiteach laistigh de 12 mhí ó sheachadadh an ábhair don chraoltóir. Más gnéscannán, gnéchlár faisnéise, dráma nó beochan é an clár closamhairc, áfach, tá cead ag An Coimisiún craoladh líneach buaic-ama a cheadú laistigh de 24 mí ó sheachadadh an ábhair don Chraoltóir.

Ba chóir go mbeadh an maoiniú do na costais seachadta íseal ós rud é go ndéanfaí an t-ábhar a cuireadh ar fáil, go hiomlán nó go páirteach, a tháirgeadh mar chuid den chraoladh líneach. Go táscach, níor cheart go sáródh na costais a bhaineann le soláthar 'digiteach ar dtús' **2.5%** de bhuiséad an tionscadail. Má lorgaíonn larratasóir costais 'digiteacha ar dtús', ní mór don larratasóir luach ar airgead a léiriú agus beidh air tuairisc a thabhairt ar thoradh aon tionscnaimh 'digiteach ar dtús' laistigh de bhliain ó chríoche an tionscadail.

Ní mór don larratasóir freisin foráil a dhéanamh maidir le seirbhísí rochtana a bheith ar fáil ar an gcéad ábhar digiteach.

Ní mór an cur chuige i leith an phrionsabail 'go digiteach ar dtús' a chomhaontú leis an gCraoltóir incháilithe agus chun críochea treorach amháin, d'fhéadfaí a áireamh: -

- an clár ar fad nó cuid de a chur ar fáil go digiteach ar dtús m.sh., dáileadh réamh-chraolta trí sheinnteoir teilifíse mar sheinnteoir RTÉ nó mar chlár ar éileamh ar Virgin Media nó ar sholáthraí seirbhíse VOD sula bhfeictear mar chraoladh é; nó ar ardáin agus aipeanna meán sóisialta craoltóra.
- 'digiteach ar dtús' a úsáid chun an clár a chur chun cinn m.sh., le gearrthóga promo ar na meáin shóisialta, úsáid hashtags, scéalta instagram, comhroinnt grianghraf srl.;
- fócas ar sheánraí agus formáidí áirithe, lena n-áirítear beochan, ábhar do pháistí go ginearálta agus ábhar gearrthéarmach in iliomad seánraí, ag léiriú blasanna agus iompraíochtaí lucht féachana óg go háirithe;
- ábhar breise a chur ar fáil a bhí beartaithe don táirgeadh ach nár úsáideadh sa ghearradh deiridh e.g. agallaimh leathnaithe.
- Rannpháirtíocht lucht féachana ar líne a éascú agus a chur chun cinn trí vótaíochtaí lucht féachana, tuairimí, agus comórtais etc.



3.1.8 Rialacha Cúnaimh Stáit agus Ceanglais Chaiteachais Réigiúnacha

Faoi rialacháin an Choimisiúin Eorpaigh (CE) a bhaineann le státchabhair do scannáin agus saothair chlosamhairc eile, tá teorainn 50% ar an uasdéine deontais atá ceadaithe. Glacann Rialacha Cúnaimh Stáit an CE go dtagann na cláir a shonraítear faoin Acht Craolacháin 2009 agus faoi Achtanna eile um Rialáil na Meán 2009 agus 2022 go ginearálta laistigh de na trí eisiámh go dtí an t-uasmhéid 50% atá i dtreoirínte an CE. Baineann na heisiaimh seo le cláir atá **(i) deacair a dhéanamh, (ii) ar bhuiséad íseal nó (iii) a dhéanann frithghníomhú ar shíneadh teoranta geografach teangacha agus cultúir áirithe**. Tuairiscítear aon tairiscint maoinithe de €100k nó níos mó don CE de réir cheanglais an Rialacháin um Blocdhíolúine Ghinearálta maidir le Cúnaimh Stáit (651/2014).

Forálann rialacháin an CE um Chabhair Stáit go bhféadfaidh na Ballstáit a éileamh go ndéanfaí íosleibhéal de ghníomhaíocht táirgthe ar a gcríoch chun cáiliú do chúnamh deontais. Léiríonn an tábla seo a leanas riachtanais an Choimisiúin maidir leis seo do thionscadail teilifíse. Ceanglaítear ar iarratasóirí a dhearbhu go gcomhlíonfaidh siad na ceanglais seo agus iad ag cur isteach ar mhaoiniú do chlár teilifíse.

Grant: Total Budget	Territorial Spend
Má tá deontas an Choimisiúin níos lú ná 50% den bhuiséad iomlán, ansin:	Má tá deontas an Choimisiúin níos lú ná 50% den bhuiséad iomlán, ansin: Ní mór 160% den chúnamh deontais a bhronntar a chaitheamh laistigh de chríoch Phoblacht na hÉireann. Mar shampla, más é an deontas €30k do thionscadal le buiséad iomlán de €100k, ní mór €48k a chaitheamh i bPoblacht na hÉireann.
Más ionann deontas an Choimisiúin agus 50% nó níos mó den bhuiséad iomlán, ansin:	Caithear 80% den bhuiséad léiriúcháin iomlán a chaitheamh ar oileán na hÉireann. Mar shampla, más é an deontas €60k do thionscadal le buiséad iomlán de €100k, ní mór €80k a chaitheamh ar oileán na hÉireann.

Féadfaidh an Coimisiún, i gcúinsí áirithe, glacadh le céatadán níos ísle caiteachais ná mar a leagtar amach thuas, mar shampla, i gcás go bhfuil cúiseanna eagarthóireachta inchosanta nó ina bhfuil coinbhleacht idir riachtanais an Choimisiúin agus riachtanais maoinitheoirí eile. Ceanglaítear ar iarratasóirí réasúnaíocht a sholáthar don chaiteachas céatadánach níos ísle sna cásanna seo.

3.1.9 Cén uair is gá dom réasúnaíocht a sholáthar le haghaidh deacair a dhéanamh/buiséad íseal?

Ní mór d'iarratais ar mhaoiniú a chomhlíonann critéir uile Choimisiúin na Meán 1-4 atá luaite sa bhosca thíos réasúnaíocht a thabhairt maidir leis an gcaoi a bhfuil carachtar oibre closamhairc atá deacair le déanamh ag an gclár atá beartaithe. Chun é seo a dhéanamh, roghnaigh “Níl” sa réimse anuas ar www.cnamonline.ie foirm iarratais a fíafraíonn “an gcomhlíonann an tionscadal na critéir maidir le buiséad íseal” agus ansin cuir isteach do réasúnaíocht maidir leis an gcaoi a bhfuil carachtar fuaime ag an gclár molta -obair amhairc atá deacair a dhéanamh sa réimse éigeantach ba cheart a bheith ar fáil nuair a bheidh do rogha déanta agat.



Ba cheart d'iarratais nach gcomhlíonann critéir 1-4 uile Choimisiún na Meán "Tá" a roghnú don cheist "an gcomhlíonann an tionscadal na critéir maidir le buiséad íseal" ar www.cnamonline.ie agus ní bheidh orthu réasúnaíocht bhreise a thabhairt.

1. **tá na buiséad iomlán os cionn €55,000 (raidió) nó €750,000 (teilifís), agus**
2. **tá iomlán an chúnamh deontais a iarrtar os cionn 50% den bhuiséad iomlán, agus**
3. **níl na cláir I nGaeilge, agus**
4. **níl an clár ag déileáil le saincheisteanna maidir le litearthacht aosach.**

- I measc na gcritéar chun cláir ar gá "dua mór" a chaitheamh leo a mheas tá:
- Acmhainní an léiritheora, an chraoltóra nó an togra
- Easpa acmhainneachta tráchtála
- An chaoi nach meallfadh sé lucht féachana suntasach
- Sainiúlacht na dtéamaí teanga, oideachais agus cultúrtha
- An nádúr turgnamhach agus/nó an riosca cruthaitheach a bhaineann leis an gclár

3.1.10 Cad is costais incháilithe ann?

Ní ghlacfaidh an Scéim ach le hiarratais ar chláir atá réidh le léiriú. Ní ghlacann an scéim le hiarratais ar chláir atá i mbun léirithe cheana féin. Níl iarratais ar mhaoiniú d'fhorbairt neamhspleách nó cláir chríochnaithe incháilithe sna babhtáí ginearálta maoinithe.

Is iad na costais amháin is féidir a mhaoiniú faoi S&V4 ná costais incháilithe. Is iad na costais incháilithe na costais a bhaineann le léiriú agus seachadadh an chláir (na gclár) agus, anuas ar chostais léiriúcháin ghinearálta, féadfar costais airgeadais, dhlíthiúla agus bhaincéireachta a chur san áireamh iontu. Is féidir le costais forbartha a bheith incháilithe má tá siad bainteach go díreach le léiriúchán an chláir agus tacaíocht acu ó nótaí buiséid.

Ba cheart d'iarratasóirí bunús le gach costas a chur ar fáil ina nótaí buiséid/ miondealú mionsonraithe den bhuiséad a chur ar fáil. Cuirtear i gcuimhne d'iarratasóirí, i gcás léirithe idirnáisiúnta, aon chostais a thabhaítear a bhaineann leis an léiriúchán, is cuma cá dtabhaítear na costais go meastar iad a bheith incháilithe i gcomhthéacs na Scéime. Mar sin, ba chóir de phlean buiséid agus airgeadais an iarratasóra na costais sin go léir a chur san áireamh agus ba chóir gealltanais maoiniú ábhartha lena haghaidh a bheith léirithe a dhóthain san iarratas le bheith slán.



Is iad na costais neamh-incháilithe costais a bhaineann le léiriú agus le seachadadh ach nach mbaineann go díreach le déanamh ná le seachadadh na gclár. Samplaí de chostais neamh-incháilithe iad costais dímhéasa, costais ghinearálta a bhaineann le láithreán gréasáin agus costais oiliúna⁶.

I bhformhór na gcásanna is costais neamh-incháilithe iad costais chaipitil. Sa chás gur grúpa pobail atá ag gabháil do léiriú clár an t-iarratasóir, áfach, d'fhéadfadh roinnt costas caipitil a bheith incháilithe chun maoiniú a fháil. Sna cásanna sin, ní mór d'iarratasóirí réasúnaíocht iomlán a chur ar fáil ag míniú cén fáth a bhfuil na costais chaipitil sin riachtanach agus trí luachan a sholáthar chun trealamh den sórt sin a fháil. Déanfar iad seo a mheas cás ar chás agus soláthróidh An Coimisiún 80% ar a mhéad de chostais chaipitil den chineál sin.

Is féidir suas le 95% de na costais a bhaineann leis an mbuiséad incháilithe a mhaoiniú faoin Scéim. Mar gheall ar an éileamh fhoriomlán atá ar mhaoiniú Scéime, cuirtear de chomhairle ar iarratasóirí ar thionscail ciosamharc gurb é an uasmhéid tháscach d'iarratas ar mhaoiniú ná **€500,000** agus tá seans maith gur eisceachtaí a bheidh i ndeontais den mhéid sin seachas na gnáthmhéideanna maoinithe a bhronnfar. Ba cheart d'iarratasóirí féachaint ar an mairtís maoinithe mar atá leagtha amach thíos chun faisnéis mhionsonraithe a fháil faoi na méideanna is féidir a lorg i gcomhair tograí aonair.

Clár Teilifíse, Fadscannáin san áireamh

<i>Íosmhéid an deontais</i>	<i>an</i>	<i>Uasmhéid an deontais</i>	<i>Ní bheidh an deontas a bhronnfar os cionn an chéatadáin seo a leanas den bhuiséad iomlán incháilithe</i>
		€50,000	Suas go 95%
€50,001		€250,000	Suas go 90%
€250,001		€500,000	Suas go 85%

3.1.11 Tús a chur leis an Léiriúcháin

Tabhair faoi deara, nuair a bhíonn an t-iarratas curtha isteach, agus nuair a bhíonn an babhta dúnta agus an próiseas measúnú ar bun, gur féidir tús a chur leis an léiriú ach is ar phriacal an iarratasóra féin a dhéanfar é sin.

3.2 Céim an Mheasúnaithe Cháilíochtúil

Má mheastar go bhfuil an t-iarratasóir agus an t-iarratas incháilithe sa Chéim Réamh-Mheasúnaithe Meastóireachta, tá an t-iarratas incháilithe le breithniú chun maoiniú a dhámhachtain. Is é an chéad chéim eile an Chéim Meastóireachta Cáilíochtúil ina ndéantar gach iarratas a mheas ar a fhiúntais féin i gcomhthéacs chuspóirí na scéime agus na gcritéar cáilíochtúil réamhshocraithe. Tá an Mairtís Scórála Meastóireachta Cáilíochtúil leagtha amach in [Aguisín 2](#) mar eolas agus mar thagairt.

Ní mór d'iarratasóirí scór 50% nó níos mó a bhaint amach i ngach ceann de na critéir éigeantacha

⁶ Is éard a bheadh san oiliúint ghinearálta ná oiliúint nach mbaineann go díreach leis an léiriúcháin. Mar sin féin, d'fhéadfadh costais oiliúna a bhaineann go díreach leis an léiriúcháin a bheith inghlactha, mar shampla, breisoiliúint an oiliúnaí atá ag obair ar an léiriú srl. Ba cheart aon oiliúint den sórt sin a nascadh leis an gcuid "Forbairt Scileanna/Tallaine" de d'iarratas. Moltar freisin nóta buiséid ar aon oiliúint dá leithéid."



seo chun cáiliú le haghaidh tuilleadh measúnaithe chun maoiniú a dhámhachtain. Is iad seo a leanas na critéir mheasúnaithe:

Critéir Éigeantacha :

- *Chomh maith leis sin, Luach Cultúir & Nuálaíocht*
- *Acmhainní/Cás a rinneadh ar son maoinithe*
- *Caighdeán an Iarratais*

I dteannta leis na critéir éigeantacha thuas, beidh critéar breise forlíontach ag babhta 53 chun tionscadail a spreagadh a thacaíonn le táirgeadh ábhair atá dírithe ar leanaí agus daoine óga nó a chomhchruthaítear leo.

3.3 Céim an Mheasúnaithe Straitéisigh

I gcásanna ina bhfuil níos mó iarratas cáilitheach ná cistí atá ar fáil ag eascairt as Céim an Mheasúnaithe Cháilíochtúil, tionólfaidh An Coimisiún Painéal Measúnaithe Straitéisí agus beidh céim mheastóireachta bhreise aige, an Chéim Meastóireachta Straitéisí. Díreoidh an chéim seo ar chothromaíocht a bhaint amach i bpacáiste iomlán na dtionscadal maoinithe i gcomhthéacs chuspóirí na scéime. Déanfar moltaí a eascraíonn ón gcéim cháilíochtúil a mheas freisin ag an gcéim seo den mheasúnú. Is iad seo a leanas na critéir um Measúnú Straitéiseach:

:

- Éagsúlacht an ábhair, agus tagairt á déanamh do sheánraí, d'fhormáidí, d'ábhar agus don lucht féachana
- An Ghaeilge
- Forbairt tallainne agus scileanna
- Mná i bpríomhról cruthaitheach
- An Scór measúnaithe cháilíochtúil iomlán

Cuirtear moltaí ón gcéim seo den mheasúnú faoi bhráid na gCoimisinéirí lena ndaingniú.

Le haghaidh tuilleadh eolais, Tá an Mhaitrís Scórála Meastóireachta Straitéisí don Mheasúnú Cáilíochtúil agus Straitéiseach leagtha amach in [Aguisín 3](#).

3.4 Daingniú

Déanann na Coimisinéirí cinntí deiridh ar an bpacáiste moltaí a eascraíonn ón gcéim mheasúnaithe roimhe seo. Tar éis do na Coimisinéirí a bheith daingnithe, cuirtear toradh a n-aighneacht(aí) in iúl d'iarratasóirí.

3.5 Próiseas Cinnteoireachta

Seo a leanas na próisis ar fad a leanfar agus measúnú á dhéanamh ag an gCoimisiún ar iarratais maidir lena n-incháilitheacht do mhaoiniú a fháil:

3.5.1 Déanfar measúnacht tosaigh ar gach iarratas lena chinntiú go gcomhlíonann sé critéir cháilitheacha na scéime lena n-áirítear incháilitheacht an iarratasóra agus go bhfuil an fhaisnéis agus an doiciméadacht uile a theastaíonn curtha isteach. Dícháileofar aon iarratasóir nach gcomhlíonfaidh aon cheann faoi leith de na critéir liostaithe agus eisíofar é nó í ón bpróiseas iarratais ([féach Aguisín 1](#)).



Déanfaidh foireann An Choimisiúin seiceáil ar aon choinbhleachtaí leasa ionchasacha leis na measúnóirí sula ndéanfar aon iarratais a dháileadh ar an gcéad chéim eile den mheasúnú.

3.5.2 Ansin déantar na hiarratais incháilithe a eagrú ina ngrúpaí. Féadfaidh na grúpálacha a bheith i gcomhréir leis an gcineál togra (Raidió nó Teilifís); formáid; seánra; an méid a iarrtar agus mar sin de agus a shannadh do Phainéal Measúnúcháin Cháilíochtúil

Beidh baill foirne de chuid An Coimisiúin agus measúnóirí seachtracha ar an bPainéal agus i bhfoirmiú gach Painéil, cuirfidh An Coimisiún san áireamh scileanna cuí agus taithí chuí a theastaíonn chun na tionscadail a mheas. Déanann gach ball seachtrach den Phainéal gach iarratas a mheas go neamhspleách agus ansin tionóltar cruinniú chun gach iarratas a phlé. Socróidh an painéal ar scór i gcomhair gach iarratais agus socrófar.

ar liosta de na moltaí maoiniúcháin. Ansin scaipfidh an Fheidhmeannacht dréacht de na hábhair ar ar socraíodh ar gach ball den phainéal lena mbreithniú agus lena gceadú. Ar na cruinnithe measúnúcháin painéil go léir a chríochnú, lena n-áirítear ainm a chur le doiciméadacht an chruinnithe measúnúcháin, tiomsaítear liosta iomlán na moltaí maoiniúcháin. Más mó an méid maoiniúcháin a mholtar ná an méid atá ar fáil don bhabhta, beidh céim mheasúnaithe straitéisigh ag teastáil.

3.5.3 Tá Painéal Measúnú Straitéiseach curtha ar bun ar a bhfuil comhaltaí sinsearacha de lucht bainistíochta An Choimisiúin agus baill foirne atá páirteach i reáchtáil bhabhta F&F4. Déanann an fóram seo breithniú i dteannta a chéile ar scóir na Céime Measúnaithe Cháilíochtúil, ar mholtaí an Phainéil agus ar na critéir straitéiseacha. Tá sé d'oibleagáid ar An gCoimisiún cothromaíocht ábhair a bhaint amach a éascóidh an meascán is fearr d'fhormáidí, de sheánraí, de theanga agus de lucht féachana agus éisteachta ar bhonn na n-iarratas arna bhfáil i gcomhair an bhabhta. Is ar na hiarratais is mó a mheastar a gcomhlíonann spriocanna agus cuspóirí na Scéime a bhronnfar na marcanna is airde agus mar sin is orthu a dhámhfar maoiniú. Déantar na moltaí deiridh a chur faoi bhráid An Choimisiúin ansin lena ndaingniú.

3.5.4 Is é An Coimisiún a dhéanann na cinntí deiridh faoi na hiarratais sa chéim deiridh, agus na moltaí a eascraíonn as na céimeanna measúnaithe roimhe sin á mbreithniú.

3.6 Cinntí Maoinithe

Iarratais rathúla

I gcás ina gceadóidh An Coimisiún iarratas ar mhaoiniú, déanfar na bearta seo a leanas:

- Cuireann An Coimisiún an t-iarratasóir ar an eolas faoin gcinneadh, agus aon choinníoll/coinníollacha a ghabhann leis an tairiscint á leagan amach aige.
- Foilsíonn An Coimisiún liosta de na tairiscintí maoinithe arna ndaingniú ag an gCoimisiún .
- Ní mór don iarratasóir rathúil a dheimhniú go nglacann sé/sí leis an tairiscint maoinithe agus le haon choinníoll/coinníollacha a cheanglaíonn An Coimisiún léi.
- Ceanglaítear ar iarratasóir rathúil socrú conartha a dhéanamh leis an gCoimisiún , ar théarmaí a shonróidh An Coimisiún . I measc na dtéarmaí sin tá sceideal a bhaineann le tarraingt anuas na gcistí ag iarratasóir. Riarann An Coimisiún cistí de réir théarmaí an chomhaontaithe conartha.
- Beidh rochtain ag an iarratasóir agus ag príomhtheagmhálaí an Chonraitheora ar thaifead an Chonraitheora a chruthófar ar www.cnamonline.ie

Iarratais nach n-éiríonn leo

I gcás ina bhfuil An Coimisiún tar éis diúltú d'iarratas ar mhaoiniú, cuirtear iarratasóirí ar an eolas ar bhonn aonair agus cuirtear faisnéis ar fáil dóibh faoi fheidhmíocht a n-iarratas sa phróiseas measúnaithe. Tabharfaidh stádas iarratais www.cnamonline.ie le fios ag cén chéim ar dhiúltaítear d'iarratas:



**Coimisiún
na Meán**

- Má dhiúltaítear le d'iarratas i rith an chéim Réamh-Mheastóireacht tabharfaidh stádas iarratais le fios é mar 'Diúltaithe – Réamh-Mheastóireacht' nuair a bheidh an Babhta daingnithe.
- Má dhiúltaítear le d'iarratas i rith an chéim Measúnú Cáilíochtúil tabharfaidh stádas iarratais le fios é mar 'Diúltaithe – Céim 1' nuair a bheidh an Babhta daingnithe.
- Má dhiúltaítear le d'iarratas i rith an chéim Measúnú Straitéiseach tabharfaidh stádas iarratais le fios é mar 'Diúltaithe – Céim 2' nuair a bheidh an Babhta daingnithe.

3.7 Conraitheoireacht

Agus iad i mbun conraitheoireachta leis an gCoimisiún iarrfar ar iarratasóir rathúil roinnt nithe inseachadta a sholáthar don Choimisiún. Tá liosta ar fáil thíos de na nithe a bheadh ag teastáil le linn conraitheoireachta cé nach liosta cuimsitheach é. Tabhair faoi deara nach gcaithfidh na doiciméid seo a bheith réidh nuair atá an t-iarratas á dhéanamh, is chun treoir amháin a thabhairt duit atá siad áirithe anseo.

1. Buiséad & Plean Airgeadais
2. Cóiriú
3. Sonraí faoin gClár agus faoi Dheontais
4. Polasaí Árachais
5. Litir Deimhnithe ón gCraoltóir
6. Litir ón mBanc ábhartha á rá nach ndéanfar Fritháireamh
7. Faisnéis Imréitigh Cánach

3.8 Séanadh

Ní hionann an fhaisnéis atá ar fáil sa doiciméad seo agus cuntas uileghabhálach ar na ceanglais reachtúla agus ar na hoibleagáidí dlíthiúla atá ar iarratasóirí ar mhaoiniú faoin Scéim. Níor cheart a mheas gur ráiteas iomlán nó údarásach faoin dlí é.

Ní mór do na daoine a gcuirtear an doiciméad seo ar fáil dóibh a measúnú neamhspleách féin a dhéanamh tar éis dóibh a gcomhairle ghairmiúil féin a ghlacadh agus cibé fiosruithe breise a dhéanamh, a mheasann siad is gá maidir le gach ní ábhartha. Ní dhéanann An Coimisiún aon uiríoll is ní thugann sé aon bharánta, sainráite nó intuigthe, maidir leis an bhfaisnéis atá sa doiciméad seo nó maidir le haon fhaisnéis ó bhéal nó i scríbhinn a tugadh nó a thabharfar d'aon iarratasóir ionchasach nó dá chomhairleoirí gairmiúla nó dá chomhairleoirí gairmiúla. Séantar go sainráite aon dliteanas i ndáil leis sin.

4. Foirm Iarratais

Sa chuid seo den doiciméad, mínítear na gnéithe ar leith atá san Fhoirm Iarratais Oifigiúil agus leagtar amach an fhaisnéis a éilíonn An Coimisiún faoi gach gné. Ba cheart an chuid seo den Treoir a léamh in éineacht leis an bhFoirm Iarratais atá ar fáil [anseo](#). Maidir le hiarratasóirí nach ndéanann **gach** cuid éigeantach den Fhoirm Iarratais a chomhlánú agus na doiciméid éigeantacha **go léir** a sholáthar **san fhoirmáid cheart** diúltófar iad ag céim na réamh-mheastóireachta. Sa tábla thíos léirítear na nithe atá éigeantach i gcás gach cineál iarratais.

Ní mór na hábhair atá achoimrithe thíos a ionchorprú isteach i gcáipéis PDF amháin.

Ní chóir go mbeadh aon naisc do cháipéisíocht seachtrach san áireamh ach amháin i gcás samplaí beochana. Mholtar gan cáipéisí a bheith leabaithe i gcorp an iarratais ar eagla nach mbeidh rochtana ag an gCoimisiún air nó nach mbeidh sé inléite don Choimisiún .

#	Ábhar na Foirme Iarratais	Éigeantach
1	Sonraíocht an Chláir, lena n-áirítear Cóiríú	Gach iarratas
2	Buiséad	Gach iarratas
3	Nótaí leis an mBuiséad agus/ nó Buiséad Mionsonraithe	Gach iarratas*
4	Plean Airgeadais, lena n-áirítear Caiteachas sa Chríoch	Gach iarratas
5	Litir Tiomantais ó Chraoltóir	Gach iarratas**
6	Má tá sé beartaithe an prionsabal 'Digiteach ar dTús' a úsáid, ba cheart go n-áireofaí sa litir ghealltanais ón gCraoltóir incháilithe dearbhú ar an gcur chuige comhaontaithe maidir le hábhar a chruthú don ghné 'digiteach ar dtús' den togra	I gcás gach iarratais má tá an prionsabal á úsáid
7	Litir (Litreacha) Tiomantais ó Mhaoinitheoirí eile	Moltar iad a thabhairt ach níl siad éigeantach***
8	CVanna agus Litreacha Tiomantais ó Phearsanra/Daoine Cruthaitheacha/Rannpháirtithe Lárnacha	Gach iarratas
9	Oird Reatha Tháscacha	Éigeantach i gcás iarratais raidió, seachas drámaí le scrípteanna agus molta le haghaidh iarratais Teilifíse
10	Scrípteanna	Iarratais ar Dhrámaíocht
11	Samplaí Beochana	Le haghaidh iarratais beochana amháin.

* Moltar nótaí buiséid do gach iarratas agus tá siad éigeantach do thionscadail Raidió, tá buiséad mionsonraithe ag teastáil le haghaidh gach tionscadal teilifíse.

***léigh [alt 3.1.5](#) le haghaidh sonraí

***léigh [alt 4.6](#) más é do thoil é chun eolas a fháil ar an tairseach inghlactha

Forchoimeádann An Coimisiún an ceart gan breathnú ar aon ábhar nár cuireadh isteach ar an bhFoirm Ar Líne ná ar an bhFoirm Iarratais agus gan measúnú a dhéanamh air.

Ní mór gach ábhar atá luaite sa tábla thuas #1-10 a bheith ionchorpraithe sa doiciméid iarratais, **ní ghlacfar le naisc go aon cáipéisí seachtracha.**



4.1 Sonraíocht an Chláir

Bain leas as an gcuid seo den fhoirm iarratais lena chur in iúl do mheasúnaí An Choimisiúin cad atá i gceist le do chlár. Comhlíon gach cuid den fhoirm de réir na dtreoracha a thugtar inti.

4.2 Buiséad

Cuimsíonn an Fhoirm iarratais teimpléad buiséid. Tá an teimpléad seo roinnte ina dhá chuid – costais incháilithe agus costais neamh-incháilithe (féach [Mír 3.1.10](#)) le haghaidh sainmhínte agus samplaí). Tá míreanna líne rangaithe faoi fho-cheanteidil sna ranna seo. Ní mór teimpléad buiséid comhlánaithe a bheith san áireamh i ngach iarratas dá dtionscadal ag baint úsáide as an gcatagóiriú agus miondealú reatha. Más léiriúchán idirnáisiúnta é, ní mór an buiséad domhanda a sholáthar. Féach thíos le do thoil riachtanais an Choimisiúin maidir le buiséid.

Comhlánú an Teimpléad

Caithfidh iarratais teilifíse na figiúirí iomlána do gach mír líne ábhartha a áireamh sa bhuiséad. Bain úsáid as na nótaí buiséid agus/nó roinn an bhuiséid mhionsonraithe chun miondealú ar na figiúirí seo a sholáthar, go háirithe má tá tú ag cur figiúirí isteach sna míreanna líne marcáilte “Eile”.

Déan costas gach míre den bhuiséad a mhionsonrú agus cuir in iúl go hiomlán conas a ríomhadh an figiúr seo. Ba chóir é seo a leagan amach ag tagairt do Thuairisc an Aonaid, Uimhir (laethanta/Seachtainí), agus Ráta ábhartha. Má thabhóidh do thionscadal costais nach bhfuil liostaithe sa teimpléad, úsáid an mhír líne “Eile”, agus tabhair na mínte riachtanacha sna Nótaí Buiséid. I gcás costais foirne agus léiriúcháin, ba cheart ráta laethúil a sholáthar má bhíonn níos lú ná seachtain amháin i gceist. Níor cheart ráta in aghaidh na huair a sholáthar ach amháin nuair a bhíonn níos lú ná lá ag teastáil. Féach thíos, sampla críochnaithe de mhír líne ina bhfuil táirgeoir ag buiséadú dá gcuid ama i laethanta. Mar sin is é an t-iomlán ná líon na laethanta amanna iolraithe faoi ráta an léiritheora:

The Application Form includes a budget template. This template is divided into two sections – eligible costs and ineligible costs (see for definitions and examples). Line items have been categorised under sub-headings in these sections. All applications must include a completed budget template for their project using the existing categorisation and breakdown. If an international production, the global budget must be provided. Please see An Coimisiún’s requirements for budgets below.

Uimh.	Pearsanra	Cur síos ar an Aonad	Líon	Ráta	Iomlán
1	Léiritheoir	Lá	x	€xxx	= líon x ráta

CBL

Ní mór míreanna faoi leith sa Bhuiséad a chur isteach gan CBL a áireamh ach amháin más rud é **nach bhfuil an t-iarratasóir cláraithe** le haghaidh CBL. Ceanglaíonn An Coimisiún ar iarratasóirí rathúla deimhniú a sholáthar ó na Coimisinéirí Ioncaim agus maoiniú á tharraingt anuas acu go bhfuil stádas imréitigh cánach soiléir acu.



Airgeadra

Ní mór an buiséad a chur i láthair san airgeadra sin trína maíneofar an chuid is mó den léiriú. Más rud é nach mbeidh an léiriú á mhaoiniú go príomha in Euro nó i Steirling, ba cheart buiséad Euro a chur ar fáil chomh maith. Déanfar conarthaí a thabhairt chun críche agus a shíniú bunaithe ar íocaíochtaí táscacha Euro. Máineofar é seo a thuilleadh le linn idirbheartaíochta faoin gconradh. Beidh an maoiniú ar fad a thairgfear in Euro.

Taisteal agus Cothú

Ba cheart go mbeadh costais taisteal agus chothabhála de réir rátaí is déanaí na Státseirbhíse. Tá na rátaí reatha ar fáil [anseo](#)

Forchostais agus Táille Léiriúcháin / Theagmhais

Ba cheart an táille forchostais agus an táille táirgthe/táille theagmhais a ríomh mar chéatadán de na costais incháilithe.

I gcás forchostais, is féidir uasmhéid de suas le 5% a chionroinnt ar an líne seo. Is ranníocaíocht é seo i dtreo na bhforchostas gaolmhar a thabhaíonn an táirgeoir le linn táirgeadh.

Féadfar táille léirithe, nó táille theagmhasach a áireamh sa bhuiséad. Go ginearálta tá sé seo suas go dtí uasmhéid de 10%; áfach, is féidir é a chaibidil ar bhonn cás ar chás. Socraítear an táille léiriúcháin/theagmhais ag tagairt d'fhachtóirí cosúil le castacht, fad agus scála an léiriúcháin agus aithníonn sé go bhféadfadh athruithe ar riachtanais airgeadais a bheith ann le linn táirgeadh an chláir.

I gcás roinnt léiriúcháin d'fhéadfadh táille léiriúcháin agus teagmhasach a bheith ceadaithe, d'fhéadfaí é seo a mheas ar bhonn cás ar chás.

Cuntais

Ní mór socrú a dhéanamh sa bhuiséad maidir leis an gcostas a bhaineann le tuarascáil cuntasóra ar an togra faoin gcaighdeán M45 - Deontas a Éileamh i.e. duine cáilithe a fhostú chun ráiteas costais deiridh a scrúdú agus a ainm nó a hainm a chur leis etc.⁷ Féach ar do leathanach An Coimisiún le ar www.cnamonline.ie chun treoir a fháil faoin gcaighdeán M45 maidir le Deontas a Éileamh.

Cartlannú (Seachadadh An Coimisiún)

Déanfaidh An Coimisiún gach clár a mhaoinítear faoin Scéim a chartlannú; ba cheart soláthar a dhéanamh don chostas seo. Maidir leis an teilifís, beidh gá le cóip thagartha ar líne agus cóip dhigiteach iomlán AS-11 den chlár, is féidir sonraí maidir le cur isteach air a fháil anseo le haghaidh thagartha.

Cinntigh le do thoil freisin go leithdháilfidh tú buiséad chun an comhad .stl a sheachadadh, agus aon chomhaid rochtana ábhartha eile (amhail AD nó leagan ISL) ar gá iad a chur isteach leis an gcóip dhigiteach AS-11 den chlár.

⁷ Ceanglaítear le rialacha an Choimisiúin Eorpaigh go ndéanfar athbhreithniú foirmiúil ar gach togra lena chinntiú go gcomhlíonfar Doiciméad na Scéime agus rialacha an CE maidir le Státchabhair.

I gcás clár nach bhfuil sa Bhéarla, beidh gá freisin comhad .stl aistrithe Béarla a chur isteach chomh maith leis an gcomhad fotheideal .stl rochtana.

Tabhair faoi deara, le do thoil, mura bhfuil a mhalairt aontaithe i scríbhinn, beidh ar gach tionscadal teilifíse maoinithe ábhar cláir a chur isteach de réir an mhéid thuas.

Seirbhísí Rochtana

Ní mór gach clár teilifíse a chraoladh le fotheidil ar fáil.

Moltar go láidir Teanga Chomharthaíochta na hÉireann (ISL) agus Clostúairisc (AD) do gach clár Teilifíse. Ní mór soláthairtí do na seirbhísí seo a áireamh sa bhuiséad. Tá ar a laghad ceann amháin de na seirbhísí seo éigeantach do gach clár drámaíochta agus teilifíse do leanaí.

Ní mór d'iaratasóirí a dheimhniú cé na seirbhísí rochtana a chuirfear ar fáil agus an t-iaratas á chur isteach acu.

Meastar costais a bhaineann le gach seirbhís rochtana a bheith mar chostais incháilithe agus ní mór iad a áireamh sa bhuiséad iarratais.

4.3 Buiséad Mionsonraithe agus Nótaí Buiséid

Tá an chuid seo éigeantach. Ní mór do gach tionscadal teilifíse buiséad mionsonraithe a sholáthar. Ba cheart barrbhileog don bhuiséad mionsonraithe a chur san áireamh freisin. Féadfar iarratais a chuirtear isteach gan Buiséad mionsonraithe a bheith faoi réir dícháilithe ag an réamhchéim measúnaithe. Ní mór tagairt a dhéanamh go héasca don bhuiséad mionsonraithe i gcoinne an teimpléid buiséad iarratais comhlánaithe dá bhforáiltear sa doiciméad iarratais. Úsáid an colún “Leathanach/Tag” sa teimpléad buiséid chun é seo a dhéanamh.

Cé nach bhfuil sé éigeantach do thionscadail teilifíse, moltar go láidir go soláthródh gach tionscadal nótaí buiséid chomh maith le buiséad mionsonraithe. Bain úsáid as na nótaí buiséid chun a mhíniú conas atá tú chun an clár a bhfuil cur síos air sa chóireáil a bhaint amach ag baint úsáide as na hacmhainní atá liostaithe sa bhuiséad. Ba cheart go nascfadh na nótaí leis na codanna seo den iarratas ar an measúnóir. Ní mór d'iaratasóirí an t-am, na rátaí agus na costais a bhaineann le míreanna líne a chuimsítear sa bhuiséad a chosaint. Ba cheart go soláthródh na nótaí miondealú ar aon chostais atá ‘cuachta’ sa bhuiséad, e.g., taisteal agus cothaithe, agus ba cheart go míneodh siad cén fáth a bhfuil gá le línte costais ar leith agus go bhfuil údar maith leo i gcomhthéacs an chláir bheartaithe. Ba cheart go n-aithneodh na nótaí go soiléir freisin cá bhfuil níos mó ná ról amháin ag an duine céanna, agus, má mholtar rátaí éagsúla, ní mór é sin a chosaint sna nótaí seo. Ba cheart d'iaratasóirí freisin achoimre ar na míreanna atá san áireamh sna forchostais agus nóta míniúcháin ar an táille léirithe agus/nó teagmhasach má tá na línte seo curtha san áireamh.

I gcás gur grúpa pobail an t-iaratasóir atá ag gabháil do léiriú clár, d'fhéadfadh go mbeadh roinnt costas caipitil incháilithe le haghaidh maoinithe. Má iarrann tú maoiniú ar chostais chaipitiúla, tabhair réasúnaíocht sna nótaí buiséid do na costais sin. Tabhair faoi deara gur féidir leis an deontas suas le 80% de chostais chaipitil a mhaoiniú.



4.4 Plean Airgeadais

Ní mór an plean airgeadais a thíolacadh san airgeadra ina maoinéofar formhór na táirgeachta. Mura ndéanfar an táirgeadh a mhaoiniú go príomha in Euro nó i Steirling, ní mór buiséad Euro a sholáthar freisin.

Leag amach na maoinitheoirí go léir don tionscadal faoin gcuid incháilithe agus/nó neamh-incháilithe den phlean airgeadais, de réir mar is cuí. Is féidir leis an iarratasóir a bheith ina mhaoinitheoir don tionscadal freisin. Luaigh go soiléir méid iomlán an mhaoinithe atá á lorg agat ón Scéim agus ríomh é mar chéatadán den Chostas Incháilithe iomlán. Caithfidh an méid iomlán sa phlean airgeadais an méid iomlán sa bhuiséad a léiriú. Ní féidir leis an Scéim breis is 95% de na costais incháilithe a mhaoiniú, agus ní féidir léi aon chostais neamh-incháilithe a mhaoiniú. Níl 95% ar fáil ach amháin i gcás tionscadal teilifíse a bhfuil buiséad iomlán incháilithe comhionann le, nó níos lú ná, €50k. Féach [Mír 3.1.10](#) thuas le do thoil chun sonraí a fháil ar na maitrísí maoinithe atá i bhfeidhm.

Sa tábla um Chaiteachas Críche, deimhníonn iarratasóirí go gcaithfear íoschéatadán áirithe den bhuiséad iomlán nó den deontas iomlán ar chríoch áirithe. Tá an céatadán caiteachais, agus caiteachas críche difriúil ag brath ar cibé an bhfuil an deontas níos mó nó níos lú ná 50% den bhuiséad iomlán. Féach le do thoil ar [Mír 3.1.8](#) thuas le haghaidh sonraí agus comhlánaigh an tábla cuí mar a threoraigh an fhoirm Iarratais.

4.5 Litir Tiomantais ó Chraoltóir

Ní mór do litreacha tiomantais ó chraoltóir na ceanglais seo a leanas a chomhlíonadh:

- Ní mór é a bheith socraithe ar pháipéar ceanteidil an chraoltóra, dáta le déanaí, agus sínithe ag an gcráoltóir.
- Caithfidh sé tagairt a dhéanamh do theideal thionscadal an iarratasóra.
- Ba chóir go léireodh sé an cainéal ar a gcráolfar an clár.
- Ba chóir go mbeadh sé tiomanta do chlár, nó do shraith clár, a chraoladh ag buaic-amanna (féach [mír 3.1.5](#) le haghaidh sainmhínte ar bhuaic-amanna).
- Caithfidh sé gealltanais a thabhairt go gcráolfar an clár nó an tsraith leis na seirbhísí rochtana cuí m.sh., fotheidealú (do chlár teilifíse amháin).
- I gcás clár a bheith á seachadadh le Teanga Chomharthaíochta na hÉireann nó le Clostúairisc, ba chóir go leagfaí amach gealltanais maidir leis an gcráoladh sin.
- Ba chóir go ndeimhneodh sé aon ghealltanais airgeadais atá le soláthar ag an gcráoltóir, más infheidhme.
- Ba chóir go ndearbhódh sé aon tiomantas don Chéad Phrionsabal Digiteach ón gcráoltóir, más infheidhme; agus
- Ba chóir go ndeimhneodh sé go bhfuil an craoltóir incháilithe faoin Scéim (féach [mír 3.1.5](#) le haghaidh incháilitheachta craoltóra).

Má chuirtear litir chuig craoltóir mar chuid d'iarratas agus mura gcomhlíonann sí na ceanglais atá leagtha amach thuas, coimeádann an Coimisiún an ceart chun diúltú don iarratas ag an gcéim réamh-mheasúnaithe.

Mar atá leagtha amach i gcuid 3.1.5, i gcás na dtionscadal Beochana agus Drámaíochta amháin, d'fhéadfadh sé nach mbeadh gá le litir ghealltanais ón gcráoltóir ag céim an iarratais. **Sa chás áirithe seo, ní mór don iarratasóir léiriú a thabhairt ar an gcineál craoltóra atá beartaithe don chlár**



4.6 Litir (Litreacha) Tiomantais ó Mhaoinitheoirí Eile

Má tá páirtithe seachas An Coimisiún agus an t-iarratasóir ag moladh maoiniú a chur ar fáil don tionscadal, ba cheart litreacha gealltanais maidir leis seo a chur san iarratas. Ní mór an chuid is mó den mhaoiniú a theastaíonn chun an tionscadal a tháirgeadh a léiriú go bhfuil sé slán. Is chun leas an iarratasóra é a chinntiú go léirítear go soiléir gach cistiú tiomanta.

Ba chóir go léireodh iarratais go bhfuil ar a laghad 85% den mhaoiniú a theastaíonn chun an tionscadal a dhéanamh daingnithe, féach thíos na treoirlínte ar litreacha maoinithe agus cad atá ag teastáil chun a léiriú go bhfuil maoiniú “slánaithe”.

Mura léirítear go bhfuil ar a laghad 85% den mhaoiniú urraithe ag an am a chuirtear an t-iarratas isteach, forchoimeádann An Coimisiún an ceart an tionscadal a lascainiú ón bpróiseas iarratais.

Chun críocha cistiú urraithe a ríomh, féadfaidh iarratasóirí an méid a iarrtar ón gCoimisiún a chomhaireamh mar rud atá urraithe.

Ní mór do thionscadail a bhíonn ag brath ar mhaoiniú ó dhlínsí iolracha (mar shampla, comhléiriúcháin idirnáisiúnta) deimhniú leordhóthanach a sholáthar freisin go bhfuil maoiniú faighte de réir na dtreoracha thuas ó mhaoinitheoirí molta. Ba cheart gach litir ghealltanais maoinithe a sholáthar i nGaeilge nó i mBéarla amháin.

Treoracha le haghaidh litreacha maoinithe:

- Ba cheart litreacha maoinithe a bheith ar pháipéar ceannteidil
- Ba chóir a léiriú go leordhóthanach go mbeidh an litir tacaíochta bailí go dtí go mbeidh an Babhta daingnithe ag an gCoimisiún.
- Go ginearálta is ba chóir go mbeadh litreacha maoinithe sínithe agus dátaithe laistigh de thrí mhí ó spriocdháta an bhabhta ábhartha.
- Ba cheart a ainm an togra a lua sa litir, agus deimhniú a thabhairt (i) faoin méid tacaíochta atá á cur ar fáil, (ii) cathain a chuirfeadh an tacaíocht ar fáil (iii) agus/nó aon choinníollacha a ghabhann leis an tacaíocht sin.
- Má tá maoiniú á chur ar fáil ag an gcráoltóir tacaíochta ba chóir an maoiniú seo a ghealladh sa litir tacaíochta ón gcráoltóir.
- Níl litreacha maoinithe éigeantach ach in éagmais a leithéid de chomhfhreagras forchoimeádann An Coimisiún an ceart glacadh leis sa mheasúnú nach bhfuil an tacaíocht sin deimhnithe cé go bhféadfadh sé a bheith luaite ar liosta de rudaí atá deimhnithe in áit eile san iarratas.
- Muna léirítear go bhfuil méid suntasach maoinithe deimhnithe mar mhaoiniú urraithe. (níos mó ná 15% de na costais incháilithe) féadfaidh go mbainnfear d'iarratas den phróiseas iarratais
- Ní ghlacfar le doiciméadú mar dhréacht/gan síniú ó mhaoinitheoirí mar fhianaise tacaíochta.
- Ní mheastar gurb ionann deimhniú maoinithe a fuarthas roimhe seo ó eagraíocht ar nós maoiniú forbartha, mar dheimhniú ar mhaoiniú léiriúcháin amach anseo ón eagraíocht sin.
- Ní mheastar ach go bhfuil litreacha ó mhaoinitheoirí ionchasacha ag dearbhú go bhfuil iarratasóir i dteideal iarratas a dhéanamh ar mhaoiniú mar dheimhniú leordhóthanach ar mhaoiniú.



4.7 Beathaisnéisí agus Litreacha Tiomantais ó Phríomhphearsanra

Tá próifíl ghairmiúil nó beathaisnéis a leagann amach a dtaithe ábhartha éigeantach le haghaidh pearsanra lárnach. Ná tabhair a CVanna, le do thoil. B'fhéidir go mbeifeá ag iarraidh litreacha nó ríomhphoist tiomantais ó phearsanra lárnach a sholáthar freisin i gcás go bhféadfaí a bheith den tuairim gur deacair iad a fháil mar rannpháirtithe. Má d'oibrigh aon phríomhphearsanra ar thionscadail Fuaim & Fís roimhe seo d'eintitis chonartha eile ba cheart an fhaisnéis seo a chur san áireamh sa bheathaisnéis a chuirtear isteach do na daoine sin.

Tabhair faoi deara nár chóir sonraí pearsanta a sholáthar ach má chreideann tú go bhfuil siad riachtanach chun an tionscadal a mheasúnú. Dá réir sin, má chuirtear aon sonraí pearsanta san áireamh ba cheart an fhaisnéis sin a áireamh sa cheangaltán dar teideal Faisnéis faoi Rún is féidir a uaslódáil ar do tháifead iarratais ar www.cnamonline.ie.

4.8 Daoine Cruthaitheacha Lárnacha / Rannpháirtithe Lárnacha

Ba cheart litreacha Tiomantais ó Dhaoine Cruthaitheacha Lárnacha agus ó Rannpháirtithe Lárnacha a chur isteach freisin más cuí. Moltar d'iarratasóirí litreacha tiomantais a sheoladh isteach ó Dhaoine Cruthaitheacha agus ó Rannpháirtithe Lárnacha atá riachtanach chun an togra a sholáthar agus/nó a bhfuil sé deacair deimhniú a thabhairt ina leith.

Ba cheart go mbeadh an t-ábhar sin ar aon dul leis an ábhar atá liostaithe i Sonraíocht an Chláir atá leagtha amach i d'iarratas. Tabhair faoi deara in éagmais a leithéid de chomhfhreagras go bhforchoimeádann An Coimisiún an ceart glacadh leis sa mheasúnú nach bhfuil rannpháirtíocht na ndaoine sin deimhnithe cé go bhféadfadh sé a bheith luaite ar liosta de rudaí atá deimhnithe áit eile san iarratas.

Tabhair faoi deara nár chóir sonraí pearsanta a sholáthar ach má chreideann tú go bhfuil siad riachtanach chun an tionscadal a mheasúnú. Dá réir sin, má chuirtear aon sonraí pearsanta san áireamh ba cheart an fhaisnéis sin a áireamh sa cheangaltán dar teideal Faisnéis faoi Rún is féidir a uaslódáil ar do tháifead iarratais ar www.cnamonline.ie.

4.9 Oird Reatha Táscacha

Is féidir le hoird reatha cabhrú go mór le d'iarratas a mheasúnú agus mar sin moltar duit é a chur isteach.

4.10 Scripteanna

Ní mór scripteanna a chur ar fáil do gach clár Drámaíochta agus a bheith sa teanga ina gcaolfar an clár. I gcás sraith clár nach bhfuil na scripteanna ar fad ar fáil iontu, ní mór script amháin ar a laghad agus breac-chuntas ar gach clár sa tsraith a chur san áireamh in iarratais. **Tá scripteanna inmholta freisin d'fhormáidí eile** m.sh., cláir faisnéise, ina bhfuil gné shuntasach drámaíochta. Is féidir scripteanna lámhaigh a chur san áireamh freisin.

4.11 Saothar Ealaíne Beochana agus Taispeántais

Caithfidh saothar ealaíne beochana a bheith san áireamh in iarratais ar chláir beochana. Mura féidir é seo a chur san áireamh leis an iarratas mar gheall ar an teorainn méide atá ar an gcomhad iarratais, is féidir le hiarratasóirí nasc a sholáthar chuig eochairshaothar ealaíne ar féidir rochtain a fháil air tríd an idirlíon. Is ar phriacal na n-iarratasóirí féin atá sé seo. Má bhíonn aon deacracht ag baint leis an ábhar



a rochtain, níl sé de dhualgas ar an gCoimisiún dul ar ais chuig an iarratasóir. Coimeádann An Coimisiún an ceart aige freisin gan féachaint ar ábhar nach bhfuil curtha isteach tríd an bhFoirm Ar Líne nó tríd an gcáipéis Fhoirm Iarratais a fheiceáil nó a bhreithniú.

Is é an t-aon chás eile inar féidir glacadh le nasc seachtrach le hábhar ná clár taispeána. Maidir le seónna taispeántais, meastar iad seo a bheith forlfontach leis an iarratas agus coimeádann an Coimisiún an ceart gan an t-ábhar nasctha a bhreithniú agus an t-iarratas á mheasúnú.

4.12 Prionsabal Pictiúrlann ar dTús

Más mian le hlarratasóir scannán a scaipeadh sula gcomhlíonfaidh sé an riachtanas craolta S&V4 ba chóir é seo a leagan amach go mion san iarratas. Ba cheart go n-áireofaí san fhaisnéis an cur chuige maidir le heisiúint na pictiúrlainne, ba cheart na frámaí ama gaolmhara agus aon chostais léiriúcháin ghaolmhara a shainaithint go soiléir sa bhuiséad. Tá litir Dhearbhaithe Chraoltóra fós ag teastáil ón gCoimisiún agus éileoidh sé go gcaolfar an scannán ar chraoltóir incháilithe le linn an sceidil buaic-ama laistigh de 12 mhí ón gcéad eisiúint pictiúrlainne. Mar sin féin, más gnéscannán, príomhscannán faisnéise, dráma, nó beochan é ábhar an chláir, tá cead ag An Coimisiún craoladh líneach buaic-ama a cheadú laistigh de 24 mí ón gcéad eisiúint pictiúrlainne.

4.13 Prionsabal Digiteach ar dTús

Más mian le hlarratasóir ábhar closamhairc a dháileadh sula gcomhlíontar ceanglas craolta S&V4 ba chóir é seo a leagan amach go mion san iarratas. Ba cheart go n-áireofaí san fhaisnéis an cur chuige maidir leis an eisiúint dhigiteach, lena n-áirítear cibé acu go hiomlán nó go páirteach, aon chomhpháirtíochtaí/cistitheoirí gaolmhara, frámaí ama gaolmhara, agus aon chostais táirgthe ghaolmhara ba cheart a shainaithint go soiléir sa bhuiséad. Tá litir Dheimhnithe ón gCraoltóir fós ag teastáil ón gCoimisiún, agus ba cheart go n-áireofaí léi gealltanais scríofa do phrionsabal Digital First agus a éileoidh go gcaolfar an t-ábhar closamhairc ar chraoltóir incháilithe le linn an sceidil buaic-ama laistigh de 12 mhí ó sheachadadh an ábhair don Chraoltóir. Más gnéscannán, gnéchlár faisnéise, dráma, nó beochan é ábhar an chláir, áfach, tá cead ag An Coimisiún craoladh líneach buaic-ama a cheadú laistigh de 24 mí ó sheachadadh an ábhair don Chraoltóir.



Aguisín 1 – Maitrís Scórála Réamhmheastóireachta

Mar a leagtar amach thuas in alt 3.1, foráiltear le F&F4 go gcaithfidh iarratasóir agus an t-iarratas roinnt critéar a chomhlíonadh chun a bheith cáilithe le haghaidh measúnú i leith maoiniú a dhámhachtain. Ba chóir don iarratasóir a thabhairt faoi deara gurb amhlaidh, mura mbainfidh sé nó sí scór Pas amach faoi gach critéar, nach mbeidh an t-iarratas incháilithe le haghaidh measúnú chun maoiniú a dhámhachtain.

CRITÉAR	Is ea / Ní hea
Incháilitheacht: An bhfuil an t-iarratasóir incháilithe chun iarratas a dhéanamh ar mhaoiniú faoi F&F4 agus an gcomhlíonann an t-iarratas buncheanglais F&F4? An mbaineann seo leis an gceist::	
Ina theannta sin: Ar thug an t-iarratasóir dearbhú go bhfuil ábhar an chláir atá á mholadh nua agus gur dheacair é a tháirgeadh in éagmais maoiniú faoi F&F4?	
An bhfuil an t-iarratas críochnaithe, an bhfuil na treoirlínte iarratais go léir comhlíonta ag an iarratasóir agus an bhfuil na doiciméid ábhartha go léir curtha isteach aige	

Is ionann scór pas a bhaint amach sa chéim cháiliúcháin agus cinneadh a dhéanamh i dtaobh an bhfuil an t-iarratas incháilithe lena bhreithniú chun maoiniú a dhámhachtain, agus é sin amháin. Má mheastar go bhfuil an t-iarratas incháilithe, tabharfar neamhaird ina dhiaidh sin ar an scór pas a bronnadh le linn na céime cáiliúcháin agus ní bheidh aon ról aige i mbreithniú na n-iarratas ar mhaoiniú is oiriúnaí, is rud a chinnfear faoi threoir na gcritéar atá leagtha amach i ndoiciméid treorach F&F4 (féach Aguisíní 2 agus 3), agus faoina dtreoir sin amháin.



Aguisín 2 – Maitrís Scórála Cáilíochtúil

Mar a leagtar amach thuas in alt 3.2, déantar socrú le F&F4 chun breithniú a dhéanamh ar iarratas ar mheasúnú i leith maoiniú a dhámhachtain má bhaineann iarratas pas amach sa Chéim Réamh-mheastóireachta. Sa chéad chéim mheasúnaithe eile sin, an Chéim Mheasúnaithe Cháilíochtúil, bunófar painéil mheasúnaithe agus déanfaidh foireann F&F4 Coimisiún na Meán iarratais a shannadh agus aon choinbhleachtaí leasa a d'fhéadfadh teacht ar barr á gcur i gcuntas agus á chinntiú go ndéanfar iarratais a ghrúpáil go cuí, lena n-áirítear scileanna measúnóra. Déantar gach iarratas a mheasúnú go neamhspleách, agus ansin tionóltar cruinniú den Phainéal chun gach iarratas a phlé, measúnú críochnaitheach agus scór a dhámhachtain dó.

Tá na critéir cháilíochtúla iomchuí leagtha amach **thíos**.

CRITÉIR	Scór ar Fáil
<p>Breisíocht, Luach Cultúir & Nuálaíocht: Cé chomh maith agus a chuireann ábhar an chláir/na gclár le raon na ndeiseanna féachana nó éisteachta le haghaidh lucht féachana agus éisteachta in Éirinn? Cé chomh maith agus a théann an togra i ngleic le héagsúlacht in ábhar an togra? Ina leith seo, an molann an t-iarratas gnéithe de chultúr, sochaí, pobail nó muintir na hÉireann nach léirítear go minic a léiriú? Cé chomh spreagúil agus nuálach agus atá an t-iarratas maidir le cur i láthair an chláir agus an cur chuige maidir le táirgeadh an chláir? Ar thaispeáin an t-iarratasóir aon ghné nuálach eile maidir leis an togra mar shampla, Digiteach ar Dtús a chur san áireamh?</p> <p><i>Maidir le hlarratasóirí a bhaineann le Craoltóirí Pobail, cé chomh maith agus a chuireann an togra le réimse na ngrúpaí nó na ndaoine aonair atá páirteach go gníomhach sa stáisiún? An gcuimsítear leis an togra clár a dhéanamh trí ghrúpa pobail nach mbíonn rannpháirteach rómhinic, agus/nó nach gcloistear rómhinic sna meáin? An dócha go dtiocfaidh forbairt as sin ar thuiscint níos fearr, agus rannpháirtíocht i dtáirgeadh agus i scaipeadh ábhar an chraolta?</i></p>	40
<p>Acmhainní agus Cás a rinneadh ar son maoinithe: An bhfuil na hacmhainní atá molta mínithe go soiléir, agus an leor agus réalaíoch iad i gcomhthéacs an togra? An minítear sa bhuiséad agus sna nótaí buiséid cén fáth a bhfuil gá le línte costais ar leith agus a bhfuil call leo i gcomhthéacs an chláir atá beartaithe? An léiríonn an togra luach ar airgead agus an bhfuil an méid maoinithe a iarrtar ar an gCoimisiún réadúil? An mbeadh sé deacair an tionscadal a dhéanamh gan tacaíocht ón gCoimisiún? Cad é an leibhéal riachtanais atá leis an maoiniú seo? Tabharfar aird ar mhaoiniú atá leithdháilte cheana féin ar an iarratasóir ag Fuaim & Fís.</p> <p>An bhfuil aon chomhpháirtíochtaí foirmiúla nó neamhfoirmiúla tugtha chun críche ag an iarratasóir le tríú páirtithe ábhartha? Má tá, le comh-infheisteoir, cén leibhéal comh-infheistíochta atá i gceist, cén leibhéal feabhsaithe a thabharfaidh sé don tionscadal agus an gcuirfidh sé gearáil níos mó ar fáil do mhaoiniú an Choimisiúin? Má tá an tIarratasóir ag páirtmhaoiniú an tionscadail, an bhfuil an méid a luaitear ag teacht uathu réadúil?</p> <p>Teist an Iarratasóra agus an phríomhphearsanra a bhfuil baint acu leis an tionscadal, lena n-áirítear sonraí tacaíochta ar nós CVanna mar atá leagtha amach san iarratas agus an bhfuil cumas seachadta léirithe ag an iarratasóir?</p>	20
<p>Caighdeán an Iarratais: Cé chomh maith agus a léiríonn an togra go gcuirfidh sé cruthú an ábhair bhaintigh go cultúrtha chun cinn do lucht féachana na hÉireann agus aidhmeanna agus cuspoirí na hÉireann de Fhuaim agus Fís 4 a chur chun cinn? An dtaispeántar go soiléir sa togra ó thaobh ábhair, cur chuige agus próiseas léiriúcháin de go mbeidh an clár/na cláir ar ardchaighdeán? Ar thug an t-iarratasóir aon chomhpháirtíochtaí chun críche, cibé acu foirmiúil nó neamhfoirmiúil, le tríú páirtithe ábhartha? Má thug, le déantóir cláir nó le déantóirí clár, cén tairbhe a thabharfaidh sé don phróiseas déanta clár agus don ábhar cláir dá réir? Cuntas teiste an Iarratasóra ag a bhfuil iarratais nó conarthaí déanta ar Fhuaim & Fís roimhe seo san áireamh?</p>	30



Maidir le hiarratasóirí atá bainteach le Craoltóirí Pobail, cén feabhas a chuirfidh sé ar thorthaí tairbhe sóisialta de chuid an tionscadail (lena n-áirítear maidir le héagsúlacht níos fearr, rannpháirtíochtaí pobaill agus cuimsiú sóisialta)?	
CRITÉIR BREISE	
Cláir do Leanáí agus do Dhaoine Óga: Cé chomh mór agus a thacaíonn an togra le hábhar atá dírithe ar leanáí agus daoine óga nó atá comhchruthaithe acu?	10



Aguisín 3 – Mairís Scórála Straitéiseach

Mar a leagtar amach thuas in alt 3.3, déantar socrú le F&F4 maidir le céim Mheasúnaithe Straitéisigh inar mó líon na n-iarratas cáilitheach ón gCéim Mheasúnaithe Cháilíochtúil ná an leibhéal maoinithe atá ar fáil. Maidir leis sin de, ceanglaítear mar chuid den Chéim Mheasúnaithe Straitéisigh scrúdú breise a dhéanamh ar leithdháileadh cistí. Caithfidh An Coimisiún a bheith feasach ar chothromaíocht an mhaoinithe ar fud na meán craolacháin; ó thaobh teanga; formáide agus seánraí; an lucht féachana agus éisteachta ar a bhfíotháiltear; agus aon chritéar straitéiseach ar leith arna leagan síos ag an gCoimisiún, mar shampla, mná i bpríomhról cruthaitheach.

CRITÉIR STRAITÉISEACHA	Scór ar Fáil
Éagsúlacht na bhFormáidí, Seánraí, Ábhar agus an Lucht Féachana a bhfreastalaítear air: Chun a chinntiú go dtáirgtear ábhar atá bainteach go cultúrtha, ní mór sciar dháileadh an mhaoinithe ar fud na bhformáidí, seánraí agus luchta féachana ceadaithe a bhaint amach. Tabharfar aird ar an éagsúlacht in ábhar an chlár bheartaithe, lena n-áirítear comhionannas agus cuimsiú inscne.	70
An Ghaeilge: Ní mór d'Coimisiún na Meán a chinntiú go mbronntar 25% den mhaoiniú bliantúil ar Chlársceidealú Gaeilge / dátheangach. Bronntar an scór má thaispeántar gurb í an Ghaeilge ar a laghad 30% den teanga a úsáidtear sa chraolachán críochnaithe.	10
Forbairt Tallainne agus Scileanna: An dtugann an t-iarratas deis ar fáil maidir le forbairt na tallainne nó na scileanna, go háirithe daoine lena dtaispeántar éagsúlacht cultúr agus éagsúlacht eitneach na hÉireann agus an leor an leibhéal tacaíochta? Nó an leor an méid deiseanna a chuireann an t-iarratasóir ar fáil chun tallann agus/nó scileanna a fhorbairt?	10
Mná i bPríomhról Cruthaitheach: A mhéid a chuirtear mná san áireamh i ról na ceannaireachta san fhoireann chruthaitheach.	10
Scór Measúnaithe Cháilíochtúil: An scór mar a bhronnann an Painéal Measúnaithe Cháilíochtúil	--